

 BERTI DRUCK AG www.berti-druck.ch	 OBERHOLZER Bauleistungen AG Tümelstrasse 5 - 8732 Neuhaus Tel. 055 284 6 284 - Fax 055 284 6 285 www.oberholzer.ag - mail@oberholzer.ag	 GRESCH-Bauleitung.ch Wir setzen Ihre Träume um! www.gresch-bauleitung.ch	 Bolliger Haustechnik GmbH www.bolliger-haustechnik.com	BÜRGISSER KÜCHEN BÖDEN BÄDER PNEUHAUS 8646 WAGEN Schmuicki Felgen PNEUSERVICE Felgen Huber Hans & Marco Brunner Adresse: 4 8646 Wagen Telefon / Fax: 055 212 20 81
 Wurtschaft zum Stoff 8715 Bollingen 56 Telefon 055 212 21 94	 schneider Mehr Freude am Reisen Rickenstrasse 41, 8646 Wagen	 Walter Kuster Malergeschäft 8646 Wagen 079 447 83 38	 Rabor Vertrieb rationeller Bohrwerkzeuge www.rabor.ch	 P&S Garage Rickenstrasse 28 8646 Wagen-Dorn Tel. 055 212 88 08 Fax 055 212 88 09 www.p-s-garage.ch
 RÜEGG KARL TIEFBAU + TRANSPORT AG Tel. 055 212 26 00 www.rueegg-jona.ch	 Parka Nova Food & Drinks Rickenstrasse 41, 8646 Wagen	 Holzbauelemente AG Zimmererei Schreinererei Fickenstrasse 26 Tel. 055 212 33 42 www.holzbauelemente.ch	 RAIFFEISEN Rapperswil-Jona	 STADLER IMMOBILIEN www.stadler-immo.ch LIEGENSCHAFTEN VERWALTUNG AG www.wespa.ch
 W. Örtig AG Baunternehmung 8733 Eschenbach Tel. 055 286 20 70 Fax 055 286 21 71 info@oertig.ch www.oertig.ch	 EMJR Damit noch die Feinsten in unsern Geschäften einmündig bleiben... 8646 WAGEN RÖSSTRASSE 2 WWW.FA.H-CONFUR.CH 055 212 55 10	 FÄH 8646 WAGEN RÖSSTRASSE 2 WWW.FA.H-CONFUR.CH 055 212 55 10	 GARAGE FORESTI www.garage-foresti.ch Garage-Service Beratung Installation Service Am Stütz 6a 8646 Wagen Tel. 055 225 48 88 8646 Wagen Rickenstrasse 89 Elektro Mohl AG	 STADLER IMMOBILIEN www.stadler-immo.ch LIEGENSCHAFTEN VERWALTUNG AG www.wespa.ch
 Restaurant Schiffahrt 8715 Bollingen 055 212 31 6 www.schiffahrt-bollingen.ch	 Bäckerei Konditorei Tom Beck	 Bäckerei Konditorei Tom Beck	 Elektro Mohl AG 8646 WAGEN Rickenstrasse 89 Tel. 055 225 48 88 Am Stütz 6a 8646 Wagen Tel. 055 450 20 80	 Ebinger Holzbauelemente AG www.ebingerholzbauelemente.ch
 Dorfmetz Lauen Schächling Party-Service Hauptstrasse 44 • 8637 Lauen ZH • Tel. 055 246 11 20 Fax 055 246 37 11 • dorfmetz.lauen@mx.ch	 S SCHNYDER www.schnydermode.ch	 Rapperswil-Jona Unterstützt durch	 Grtsgemeinde Rapperswil-Jona	 HARAPOL SWISS MADE FIRST SWISS OIL PRODUCTS Abderhalden HARAPOL AG www.harapol.ch
 Helbling softice robert@helblingsoftice.ch www.helblingsoftice.ch	 gsteiGraphics GmbH design > print > web m 076 903 47 52 t/f 055 212 31 01 www.gsteigraphics.ch	 BIMAG KÜCHE BAD INNENAUSBAU Jona/Wald, www.bimag.ch, 055 225 48 60	 eglijona www.eglijona.ch ... einfach schöne Gärten	 U. BACHMANN BEDACHUNGEN 8646 Wagen - Tel. 055 212 37 05 bachmann-bedachungen.ch

Dorffasnacht Wagen

Samstag 30. Januar 2016
 in der Turnhalle Wagen

Kinderfasnacht mit Salvo ab 16 Uhr
Livemusik mit Gletscher Fezzzer
Barbetrieb mit DJ Krassi

Eintritt gratis

Eingangskontrolle
 (der Jugendschutz liegt uns am Herzen)

Maskenprämierung



Liebi Fasnächt`ler 2016

Nach dä Fasnacht isch vor dä Fasnacht!

Ja eusi Jubiläums Fasnacht isch bereits Vergangeheit und mir lueged gern uf dä Alass zrug.

Au di letschtä Konfettis händ eus nöd verlah und bliibed eus treu. Genau die Konfettis wo eus am Samstag na grossi Freud gmacht händ, bringed immer am Sunntig so vill Schweisstropfe mit sich. Mir sind lang uf dä Suechi gsi nach es paar guete News für eusi Fasnachtsziitig. Erstuunlich was so alles innerhalb vome Jahr da i däm chline Dorf Wage passiert. – cooli, lustigi, spezielli und aber au zimli komisch Sache!!

Vill Spass bim Jahresrückblick – und nöd vergesse alles mit Fasnachtsauge z läse.

Nimms easy – s isch verbii!

Ja was isch dänn da los?? Simmer in Amerika oder sust irgendwo??

«Im Summer id USA go Skifahre»

Die schöni dunkeblaui Wiehnachtsbelüchtig vis a vis vo dä Schuelhuus-Tifahrt, so öpis gits wüchli nur in Amerika – alles echli uffällig für Wage.

Dä Installateur vo dä Rickenstrasse 50 ziehts nämli au im Summer id USA zum Skifahre. Mal luege wases das Jahr fürä Trendbelüchtig vo dä USA git.



«Ich bin mude!»

Ups jetzt laufi do durs Dorf und uf minerä Uhr isches scho bald 9i. Jetzt gang i no schnäll i Krone eis go trinkä. Oha lätz sgit nüt me dWirtin isch mude. Doch ganz allei bin i jo scho nöd. Üsers Dorforiginal «Bludi» tuet mir nochli gsellschaft leistä.



Dä DJ Krassi isch eigentlich ganz än ruhige, ussert a dä Bar als DJ, da gitt er immer volldeziell. Einige Gäschtt säget es sei zLuuuut, doch dä DJ Krassi ghört gar nüt. So wird halt wiiter voll use glärmet.

«bim bislä isch es Pissoir kaputt gangä»

«Liebe Mobiliar, beim pinkeln ging uns ein Pissoir kaputt, kein Problem ihr habt ja eine Versicherung bis zu 5 Millionen Schadenssumme.»

Nach langem hii und häär isch aber dä Schade leider glich nöd versichert, wie au sämtli chleri Schädte am Mobiliar oder am Gebäude.

Fazit «gosch lieber uf Nummer Sicher als uf d Nummerä vo dä Mobiliar». Doch am Schluss wird alles guet, dank eusem guetä Versicherungsexperte, chömmer jetzt sogar ä Vereinshaftpflichtversicherung abschliesse. Ende Gut alles Gut!!



D'Jubiläums Fasnacht 2015 isch en richtige Hit gsi, Bewilligungä da und döt, für alles bruuchts äs Konzept und äs Budget, doch wo all die Gäschtt parkieret isch dä Stadtverwaltig glich, zum Glück hämmer do üse Bauer Z wo üs au do tatchräftig tuet understütze.



Üsere neuu Bauchef nimmts easy und cool, alles isch parat und vorbereitet, doch wo söll ich mit all däne Werbeblache ane? Ja einfach ufhängen irgendwie meinet die andere.

«Er hangät irgendwo a dä Wand obe!»



Ja dänn, also dänk ich mir mal äs neus Konzept us, Holzlatte um die ganzi Turnhalle ume, das isches und wenn dä Bauchef suechsch hanget er irgendwo a dä Wand obe.

dGugge Quaker vo Ermi sind immer sehr willkomme, wäg dä Musig oder wägem Konsumiere isch jo egal.



Traningsweekend vo dä Seniore FC-Wage, gönd go traniere, sie händ im Büssli scho än Jass-tisch montiert, äh sorry sind die jetzt vom FC oder vom Jassclub? Hauptsach sBierli isch däbi.

Dä Stromer Peter, üse Techniker suecht überall nach äm richtige Kabel, wenn er das ämol hät git er das au gar nütme gärr zrug. Obwohl sini Frau seit, «Peter das Kabel mues zrug», jo jo, doch plötzlich rüeft d'Stromerbude Möhl us Wage, dänn isch das Kabel dänn gli wieder am richtige Ort.

Eusi Kassierin isch chli und chli überforderet gsi, so mues dä Präsi mit über zwängtusigstutz uf Bank go izahle, zum Glück isch dä so unattraktiv susch wär dä no überfalle worde...

«di neu Kassierin mischlet Zahl!»

Doch die neu Kassierin hät dänn alli Zahle numol gmischlet und do isch au ganz öppis anders usecho, halt professionell, doch schafft's sis au usem Gwünn wird bald än Verlust. Jo trotzdem chömmer scho bald mit dä Fasnacht Wagä a dBörse.

Au dä Fäschtwirt gaht nach drü Stund scho uf Redbull suechi, für wer ächt? ja so äs Fäschtt bewirte ich scho cheibe sträng, aber dass grad alli so ä blöds Redbull müend bstellä.



Eusi Aktuarin schribt und mailet rächt aktiv, jo so fest engagiert mit dä Fasnacht, da mues sie sogar über die ganz Ostere bim Fädere Bume go chrampfe.

«das Gäld mues häre!»

Au dSponsore sind ihre sehr wichtig, sie hät gueti konägschen, ja bis uf Uznach ufä. Nur bim mahne hät si nütme so viel Freud sie fluechet und täubelet bim Präsi – nützt aber nüt, das Gäld mues häre. Öb sie das ächt no hät chöne izie, oder öb sies privat zahlt hät?

Im Novämber häts also nöd nur Hüener i eusem Stall z Wage, sondern au ganz en huufe veruckti Velofahrer. Gseht chli us wie en schnelle Räbeliechtli-Umzug, isch aber in Wirklichkeit s Nacht-Rad-Quer-Ränne dur dä Wagner Wald. Sumpfig und rutschig isches gsii de Wald ab, aber au wider es riise Spektakel!

Vo Chlii bis Gross fräsed alli mit de Motocross-Töff bim Artho über dPischtä. Bis wiit uf Eschebach ufe und natürlich im ganze Dorf ghört mer d Motorä tööne. Di Chlinschtä chönd chum laufe, sind aber scho mittedrin statt nur däbi! Das mues mer einfach gseh ha! Dä Fabio Artho hät am Sunntig gwunnä! Gratulierä!



«zum Glück isch dä Geischt wieder verrochä»

Üsere Wärbu Chef, dä jüngschi im OK hät alli Händ voll ztue. Nöd nur mit dä Werbig sondern mit hebä vo dä Bierfläschli, damit die nöd so schwer sind tuets er grad au immer ustrinke. Aber plötzlich wird da sin Chopf immer chli schwärer, trotzdem wird am Sonntagmorge am 9i wieder vollgas ufgummt. Nach all däne Strapaze überleit er sich sogar än Ustritt us äm OK, zum Glück isch ihm dä Geischt wieder verroche.

Dä Foresti erfreut sich so sehr am Salvo, dass er grad vom Hauptsponsor zum Oberhauptsponsor beförderet worde isch. Obwohl dä Foresti wieder bi dä Sponsore glandet isch, werdet mir dä Salvo au a dä Fasnacht 2016 wieder begrüesse!

«Bachetöbeli Challenge im Winter»

I däm härte Winter rüeft euses Dorforiginal alli vom Dorf zum Schlittelwäg im Bachetöbeli, öbs ihm do ums Schlittle oder um dä Glühwii got?

Mir händ au fängs richtigi Promis z Wage! Dä Yannick Helbling isch mit GC U18 Schwiizer Meister worde und hät so dä ersti nationali Titel uf Wage gholt.

Am Samstag am 9i trifft mer sich am Stammtisch im Dorflädeli! Sehr intressant, amüsant und lustig. dSertiochter simmer mängisch sälber und mängisch serviert än ächte Wagner-Chällner, ups, nöd gwüsst? Dänn chumm go luegä. Am Samstag am 9i im Dorflädeli-Stammtisch.



So und ez doch na öpis zu eusem wunderbare OK Präsi. Eigentli ischer ja ganz en nette... ..aaaaber wens denn wirklich ums Schaffe goht isch nümme luschtig Chriesi ässe mitem. Wehe mer hät emol dä versprochni Sponsorebiitrag nänig grad überwise, ghört mer dä ganzi Tag nur na das. Aber s Beschti ade Gschicht isch ja, dases ihm jetzt das Jahr au emol passiert isch. Oder wie isch ez das gange mitem Sponsor für de Salvo???

«mir händ Zigüner bi üs ufgno.»



Au simmer nümme ganz allei mir händ Zigüner bi üs ufgno.

«Wagen bewegt sich» war ein voller Erfolg.

Doch die Idee für so än Event isch eigentlich vo dä Schuelbehörde us cho, sgot jo ums Jubiläum 25 Jahre Turnhalle Wage. Mit grossem Isatz händ's alli Vereinspräsidenten agfröget ob dWagner Vereine ächt au wend mitmache bi däm mega Alass «Wagen bewegt sich»?

dWagner Vereinsoberrhäupter händ nach churzem Überleggä ganz spontan zuegseit. Isch ja klar mir hälft gärn und so chömmer au grad üseri Vereine wiedermal chli vorstellä. Das bruucht aber chli Vorbereitigsarbet und öppä ä Vorstandssitzig und und und. So, das OK wäri definiert, dÄrbetli verteilt und jetzt chas losgo. Doch bi dä Sitzige, bi dä Ämtli usw. glänzt dSchuelbehörde mit grosse Abwesäheitä. Äs isch halt scho cool wenn dVereinä alles machet, und i dä Zytig isch ja dSchuelbehörde scho wieder erwähnt! Für dä Glanz-Isatz schänket mir dä Schuelbehörde gärn än chline Kaktus. Lieber hetet mir natürlä ä Rose überreicht.



Schlusswort

Liebi Dorfbewölkerig vo Wage! Gärn möchtet mir au im nöchste Johr ä Fasnachtszytig gstatte. Mir freuet üs uf aktuell, spontani, lustigi und cooli Episödeli rund um Wage. Wenn du au en Bitrag für ä gueti Zytig wötsch leistä, dänn bring doch din Text, sFoti, etc. is Dorflädeli. Dört wird dä dänn as richtig Ort ane witergleitet. DANKE!! Euers Fasnachts OK